

մրդ.

Գոյ այժմ ի ստամպօւ ի մէջ հակառակորդաց նաև կոխ մի մեծ, և այս է վասն ընտրելոյ զառաջնորդ երուսաղէմի, զի առաջինն՝ որ էր թորոս վարդապետն՝ մեռաւ: Արդ՝ պատրիարքն իւրայնովք և բազում աշխարհականօք ընտրեցին զոմն առաջնորդ երուսաղէմի. իսկ ամիրայքն չհաւանեալ ընտրութեան պատրիարքին՝ ընտրեցին զայլ ոմն, և ջանան փոխել զպատրիարքն. ուստի և նա ոչ գիտէ զինչ գործէ առ ի հաճոյանալ նոցա: (Հ. Զաքարիա առ Մեղգոնեան, 1762 փետր. 15. [Կ. Պոլիս]):

մրե.

Վասն պատերազմաց ծանիր, զի սաքսօնիա զօրքն թագուհւոյն ի դիմի հարեալ զօրացն պրուշի և եղբօր թագաւորին պրուշից, յաղթեալ են և փախստական արարեալ զեղբայրն պրուշին զօրօքն իւրովք, զբանակն առեալ, և զութն հազար կալանաւորեալ: Ասեն ևս թէ զեղբայրն պրուշին վիրաւորեալ ի բազուկն: (Մեղգոնեան առ Հ. Մկրտիչ, 1762 յունիս 12. Ս. Ղազար):

մրգ.

Ի լիբանան եղեալ յունաց պատրիարզն, եպիսկոպոսք և այլովք ոմամք եկն ի Հոսմ վասն ընդունելոյ զարձակումն նզովիցն, որով նզովեցին զնա ի լիբանան ի կողմանէ պապին, վասն չհնազանդելոյ կարգաւորութեանց սոցա. և միանգամայն վասն արդարացուցանելոյ զինքն: (Հ. Մկրտիչ առ Մեղգոնեան, 1762 յունիսի 19. [Հռովմ]):

մրե.

Սա¹ եկն ի Կոստանդնուպօլիս ի լինիլ մեծաւոր. քանզի եկն հրաման ի սրբոյ ժողովոյն հանել վանել զամենայն կարգաւորսն սրբոյն անտոնի վանուց, որպէս և եղև իսկ. և ի տեղի նոցա զայլ նոր կարգաւորս հաստատել հանդերձ մեծաւորաւ, որ եղև փատրէ Ճիվան Կրիզօսթօմօն: (Աքանաս եպս. առ Մեղգոնեան, 1762 յունիս 20. [Կ. Պոլիս]):

մրը.

Իմացայ զգալուստ հայ եպիսկոպոսին կոչեցելոյ Թիֆլիզցի Գրիգոր վարդապետ...: Հ. Գրիգորն... իսկապէս զնեաց զմեծ օտալար մի մերձ ի սանթօֆիցն առ սուրբ պետրոսիւ. ունի աւելի քան զյիսուն օտայ. և պարտէզ անհուն. ունի կէլիւ տարին 180 սկուտս, զնեաց զայն տասնըչորս հազար տուգաթ: Սակայն տեղին է իպտիզ. և օղն զրեթէ մահաբեր. և երկնչիմ թէ այն լիցի լիբանանեցոց ի կործանումն: Նաև էառ ի փափէն զՊոէվի, զի արասցէ զայն՝ վանք, և շինեսցի ի նմա եկեղեցի, և կոչեսցէ զանուն նորա Լուսաւորիչ: (Հ. Մկրտիչ Աճ. առ Մեղգոնեան, 1762 յուլիս 24. [Հռովմ]):

1. «Փատրէ Ճիվան Կրիզօսթօմօ»: